



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 45. Ad quid teneatur, qui scienter intulit damnum grave, sed  
invincibiliter ignoravit esse tam grave.

**urn:nbn:de:hbz:466:1-42561**

gationis ad satisfaciendum vel satispatiendum pro illo : tum autem esset causa obligationis perfectæ, si ex illa oriretur obligatio gravis restituenti totum, quod nos non dicimus.

193 Q. 44. *An sit obligatio reparandi damna, qua quis in ebrietate causat.* R. Qui per experientiam didicit se in ebrietate solere causare damna, v.g. alios vulnerare, frangere vel evertere omnia, si hoc sciens se inebriet, & non ponat sufficientem præcautelam, ne damna causet, tenetur ea reparare, si ebrius causarit, quia volendo ebrietatem communiter & per se in tali subjecto connexam cum talibus injuriis, censetur etiam velle injurias, ita *Vasq. Lugo* d. 18. n. 86. *Dicast. de Restit.* d. 3. n. 77. Quod si damna illa non fuerint prævisa, aut si moralis diligentia sit adhibita, ut præcaventur, licet forte fiant, non est obligatio resarcendi ante sententiam *Judicis*, quia non censentur fuisse voluntaria, *Gob. in Clyp.* p. 2. n. 261. Addit *Haunol. t. 2. n. 169.* ebrium causantem damna posse per legem Aquiliam conveniri etiam ad plus restituendum in poenam, quia saepe non est ebrietas excusans à culpa. Denique notat *Dicast.* dicta de damnis causatis ab ebrio, valere de causatis ab ambulante in somno.

194 Q. 45. *Ad quid teneatur, qui scienter intulit damnum grave, sed invincibiliter ignoravit esse tam grave,* v.g. si Titius in mare projicerit gemmam Caji valentem ducentis aureis, quam ipse non putabat valere nisi centum. R. Probabilius est non teneri nisi ad damnum, quod cognovit, & consequenter in casu posito Titius tenebitur ad restituendos Cajo tantum centum aureos, ita *Pontius,*

Pontius, Dicast. Haun. n. 219. Dian. p. 11. t. 2. R.  
 34. Esp. q. 34. contra Palav. l. 4. c. 7. n. 71. Lugo  
 d. 8. n. 63. Ius. t. 4. d. 3. n. 22. Probatur 1. quia  
 ad illud, quod non cognovit, non tenetur ex lege  
 positiva, cum talis ostendi non possit; neque ex  
 lege naturali, quia non fuit causa moralis illius  
 excessus, quem non cognovit nequidem confu-  
 se, uti suppono, ergo non potest illi moraliter  
 imputari, ergo de jure naturae non tenetur illum  
 compensare. 2. Non est obligatio reparandi da-  
 mnum extrinsecum, idest, distinctum a re subla-  
 ta vel perdata, si hoc damnum non fuerit prævi-  
 sum, v. g. si quis ignem injecisset in segetes, & sic  
 improviso simul accensa fuisset domus, non te-  
 neretur resarcire damnum extrinsecum combu-  
 stæ domus, sed tantum intrinsecum secundum  
 valorem segetum, uti fatetur Palav.: ergo etiam  
 non est obligatio reparandi damnum intrinse-  
 cum, quod non fuit cognitum, utrumque enim  
 est æquè parum volitum. Ratio quasi a priori est,  
 quia lex naturae non inducit obligationem, in  
 quam homines non essent consensuri, si ante-  
 cedenter ad omnem casum eventualem fuisset  
 requisitus eorum consensus, atqui in talem  
 obligationem non consenserint, nam cum ca-  
 sus hic sit rarus, & nascatur ex invincibili igno-  
 rantia, vix ullus metu talis poenæ ab eo abster-  
 reretur, & è contraria durius est scienter com-  
 pensare damnum ita inadvertenter factum,  
 quam tolerare tali modo casu illatum ab alio,  
 ergo.

Obji. 1. Justitia respicit medium rei, ergo 195  
 obligat, ut restituatur, quantum a parte rei no-

citum est , sive fuerit cognitum sive non. **R. N.** conseq: , Justitia dicitur respicere medium rei , quia intendit æqualitatem inter jura à parte rei existentia , ideoque non est opus per rationem multūm investigare, quid ex justitia fieri debeat, sed hoc facilè innotescit consideratis rebus & iuribus secundūm se ; cum hoc tamen stat , quod debueris cognoscere jus, ut dicaris formaliter lassisse & tenearis reparare , alioquin qui nihil Juris alieni cognovisset , adhuc teneretur reparare , quod nemo dicit.

**196** *Obji.* 2. Lex civilis justè obligat ad compensanda damna gravia illata per leves negligentias, ut sic homines fiant cautores , ergo lex naturalis etiam justè obligat ad compensanda damna gravia intrinsecè conjuncta cum formalī injuria gravi , quamvis non sint prævisa, ut sic homines absterreantur ab ejusmodi iniuriis , ita *fls.* **R. N.** conseq: , nam lex civilis tantūm obligat ad compensanda damna præcognita , aut quorum præsumitur adfuisse præcognitio ; deinde si valeret à lege civili ad naturalem , ergo sicut sufficit legi civili præcessisse culpam levem , ita sufficeret naturali , quod negant *Lugo* & *fls.*

**197** *Obji.* 3. Projiciens gemmam voluit voluntate executivâ projicere hoc, quod habebat in manu , quidquid illud esset, ergo tenetur ad totum pretium restituendum , ita *Palav.* **R.** Veluit projicere , quod habebat in manu , secundūm hoc , quod cognoscebat, c: , secundūm plus , quam cognosceret , n: ant: & cons: , alioquin quamvis putasset gemmam esse lapidem vilem

&amp;

& nullius valoris, adhuc teneretur totum pretium restituere, quod nemo dicit.

*Obj. 4.* Qui agnoscit se facere gravem injuriam, implicitè suscipit in se onus compensandi omne damnum, quod ex illa est secuturum, atqui hoc damnum est ducentorum aureorum, & causatur per gravem injuriam, ergo, ita *Lugo. R.* Suscipit onus compensandi omne damnum, quod ex illa est secuturum, si illud cognovit aut hic & nunc cognoscere potuit ac debuit, c., si invincibiliter ignoravit esse secuturum, n., neque aliud volunt AA., qui cum *Sanch.* dicunt compensanda esse omnia damna ex injusto homicidio secuta, nam intelligunt, si prævisa fuerint saltem confusè, quod ordinariè fit, aut si vincibiliter sint ignorata, qualiter ignorari semper præsumuntur, nisi aliud constet, uti n. 186. insinuatum est.

*Instab.* Qui peccat mortaliter, meretur pœnam æternam, quamvis de ea non cogitarit, ergo similiter hic. R. N. consil., qui mortaliter peccat, agnoscit malitiam, quam sufficienter scit esse illativam totius pœnæ: qui projicit gemmam, non agnoscit malitiam illativam totius damni, sed illum excessum valoris ignorat, ergo circa illum non est formaliter injurius, ergo nec tenetur compensare, quia hæc obligatio compensandi deberet nasci ex formal iuria. Hæc omnia magis valent, si positivè putarit pretium gemmarum esse minus, uti apertè infertur ex doctrina ipsius met *Lugo. d. 11. n. 90.*, item si putavit gemmam pertinere partialiter ad se & ad fratrem suum Cajum, tum enim non tenebitur de eo, quod invincibiliter putavit esse suum.

H 5

Q. 46.